



نسبتندن ایکی مقدمه تولد ایدر هر بر مجمله انهجق
بو مقدمتین معلومتین واسطه سیله علم حاصل
اولور و مطولوبی ده بو ایکی مقدمه انتاج
ایلر (

نفسك بو متوسطی وجدانه استعدادنه
« حدس » دینور

ظ - ذكاء - حدسك شدتی و كالی و غایت
قصوایه بلوغی در

ع - فطنت - تعریضی قصد اولسان
شیئه تنبهدن عبارتدر

غ - خاطر - نفسك تحصيل دلیل جانبیه حرکته
دینور نفسك بو حرکته خاطر اطلاق اولتمسی
حالك اسمنی محله اطلاق قبیلندن اولق کرکدر
چونکه حدذاته خاطر بو حرکته معلوم اولان
شیدر که خاطر بالبال و خاطر فی النفس دن عبارتدر
حتی ترکجه ده بیه خاطر مه خطورایتدی دندلیکی
کبی دهاطوغری اوله رق « قلبمه خطورایتدی »
دخی دینور

ف - وهم - اعتقاد مر جو حدر

ق - ظن - اعتقاد راجحدر

ك - خیال - محسوس غائب اولدقدن
صکره باقی قلان صورتندن عبارتدر

ل - بدیهه - فکر سبیلله اولیه رق یعنی
تفکر ایتیه رك نفسه ابتداء حاصل اولان معرفتدر
برك ایکی نك یاریسی اولدیغنه علممز کبی

م - اولیات - بدیهاتك عینی در

بدیهیاته اولیات دخی تسمیه اولتمسی ذهن
محمول قضیه بی موضوع قضیه به « اول » یعنی
شیء آخری توسط ایتدیر مکسزین الحاق
ایتسندن نشأت ایلمشدر

ن - روت - فکر کشیدن صکره کی
« معرفت » در

و - کیاست - انف - اولان شیئی استنباطه

نفسك نمکیندر

ه - خبره - بر معرفتدر که کندوسنه
تجربه طریقله واصل اولنور

لا - رأی - کندولریدن انتاج مطلوب
مأ - دول اولان مقدماتده خاطر ك احاطه سیدر
رایدن مستنبط قضیه به ده بعضاً رأی دینور

الحاصل رأی فکره نسبتله صانعك الی کبی در
یعنی صانع الی نره ده استعمال ایلر سه فکرده
او مقامده رأی استعمال ایلر

ی - فراست - خلق ظاهر ایلله خلق باطن
اوزرینه استدلاله دینور فراست ایکی نوعدر
بری انسانه خاطرندن حاصل اولورده سبی
بیلنه مز که الهامدن بر نوعدر و دیگری صناعت
متعلمه واسطه سیله اولور که اشکال ظاهره
ایله اخلاق باطنیه استدلالدر

فراستی و خصوصاً هر وقت کوریلان نوع
ثانیینی پك چوق ادم یا صرف جمالتدن و یا خود
بر منفعت مخصوصه دن طولانی کرامت کبی
قبول ایدر و حتی بعضیسی کندولری کبی
جاهل و یا متجاهل اولیانلری تکفیره قدر کیدر
هذاغایه درجه الجهل او بدایه الکفر
علم حقنده بعض فواید و متفرعات

متکلمین یعنی علمای کلامك قسم اعظمی
علم عالم ایله معلوم بیننده ذهنه کی تعلقدر
دیشلر ایدر ده ینه متکلمین بعضیسی ایله حکما
بر شیئه عام اول شیشك (یا خود صورتك)
ذهنده وجودینی مستلزم اولور دیدی

بو صورتده بر شیشی بیلدیکمز وقت اوچ شیء تحقق
ایدر بری ذهنده حاصل صورت و بری بو صورتك
ذهنده ارتسامی و دیگری بو صورتی نفسك
بالقبول انفعالی در

علم شو اوچ شیشك هانکیسی اولدیغنده ده
اختلاف اوله رق هر برینه بر طائفه قائل

اولدی

کذلك علمك مقولة كيف ويا مقولة انفعال
ويا خود مقولة اضافتدن اولمسندهده اختلاف
وقوع بودی لیکن مقولة كيفدن اولمسی
مر جعدر

وجود ذهنی به قائل اولناردن بعضیسی ذهنده
حاصل اولان شی معلومك شبح وظلی اولوب
ماهیتده اكا مخالفدر دیدی و بعضیسی حاصل
فی الذهن نفس ماهیت معلومدر دیدی که نقدر
بعیددر ؟

علم لفظی بعضا اسماء علوم مدونه به و بعضا
مسائل مخصوصه به و بعضا مسائل مخصوصه بی
دلیلدن تصدیقاته و بعضا تصدیقات مذکوره نك
تکررندن حاصل ملکیه اطلاق اولنور

ملکه تهیو تامه اطلاق اولنور که مراد اولنان شیی
استعلام واستفاده به کافی قدرندن عبارتدر

علم لفظنك معنای حقیقیسی ادر اکر
بود اراکک بر متعلق واردر که معلومدر و برده
حصولده تابعی واردر که ادر اراکک بقاسنه وسیله
اولان شیدر اشته ملکه دیدیکمز پوشیدر

علم لفظی حقیقت عرفیه یا حقیقت اصطلاحیه
ویا مجاز مشهور طریقه شواذ راك و معلوم و ملکه دن
هر برینه اطلاق اولنور

علم لفظی بعضا مسائل و مبادی تصوریه
و تصدیقیه و موضوعاتك مجموعنه یعنی اوچنه
بردن اطلاق اولنور

بونلرک اوچنه بردن شو اطلاق سبیلده اجزاء
علوم اوچدر دیرلر

اسماء علوم (مثلا منطق صرف نحو)
بعضا مفهوم کلی اجمالی اوزرینه اطلاق اولنور
و بو مفهوم کلی علمك تعریفنده تفصیل
ایدیلور

تفسی تفصیل ایدیلور سه علمك حد اسمیسی

ولازمی تفصیل اولنور سه علمك رسم اسمیسی
اولور علمك حد حقیقیسی مسائلی تصور
ویا خود مسائل مذکوره به متعلق تصدیقاتی
تصوره متوقفدر چونکه هر علمك حقیقی
اولعلمك مسائلی و یا مسائلنك تصدیقاتی در
مبادی رابئیة موضوعاتك اجزاء اولنمسی حقیقی
دکدر بلکه کندولر شدت احتیاجدن نشأت
ایلمش بر کیفیت در

موضوع

سعادت انسانیه حقایق و احوال اشیائی
بقدر الطاقة معرفته منوط و حقایق و احوال
اشیا ایسه متکثر و متنوع اولدیفندن بونلرک
ضبط و تعلیملرینی تسهیلده تصدی ایدنلر بر شیئه
واشیای متناسبه به متعلق احوال ذاتیه بی افراد و افراز
و باشلوجه جمع و تدوین و علم واحد عدایتدکری
کبی اول شیئه و یا اشیایه اولعلمك موضوعی اسمیه
ایتدیلر

حد ذاتندهده فنا برشی ایتدیلر چونکه احوال
مذکورهدن موضوعده تشارکری اولنلری
موضوع اخرده متشارک اولنلردن تمیز ایدرک
هر بر طائفه بی بر علم منفرد ایتدیلر که بونلردن هر
هانکی طائفه نك تحصیل و تعلیمی مراد اولنور سه عاقد
اولدیفنی علمه مراجعتله قضاء و طراولنه بیلور
مع مافیة علومك شوصورتله یعنی موضوعاتی
سبیلده بنفسها تمایزی معتبرینك اعتبارینه کوره
بر تمایزدر یوقسه دیگر صورتله دخی تمایز نمکندر
مثلا غایت و محمول ایله ده احوال مذکوره تمیز
ایدلک جائزدر و متأخریندن پک چوقلری
بو یولهده سلوک ایتدیلر اولان دخی سلوک
ایتمکده درلر و بو یول تعلیم و تعلم ایچون ده
کسیرمه بر طریق مستحسندر

بوندن بشقه عقلا مانع یوقدر که هر بر مسئله

باشلی باشنه بر علم عد اولنورق اروجه تدوین